

Ph



59545

kat.komp.

III Mag. St. Dr.

Witwicki Alexandri Adoratio Sapientum
Celsissimae - Virgini Mariæ cultus ac re-
veratio - i.e. Conclusiones ex universa
Philosophia.



ADOREÆ
 Sapientum Celsissimæ,
M A G N Æ
 Increatæ Sapientiæ MATRI
VIRGINI MARIÆ.
 Emensæ Philosophiæ laborum
 anathemate,
 Cultus ac Veneratio.

Per deuotissimum sibi clientem,
ALEXANDRUM WITWICKI, P. M.
 In Collegio Varsau: Societatis IESV
 absolutum Philosophum.

Præside
R. P. IOANNE GODEBSKI Societatis
 Iesv, Artium liberalium & Phi-
 losophiæ Doctore, eiusdemque in
 Collegio Varlauien Societatis Iesv
 ordinario Professore.

Anno D. 1683.

VARSAVIÆ, Excudebat Carolus
 Ferdinandus Schreiber.

三



59545

三

CONCLUSIONES EX UNIVERSA PHILOSOPHIA.

EX LOGICA.

I. **L**ogica est propriè virtus Intellectūs, inclinans Potentiam ad actus in linea sua simpliciter bonos. Licet enim contingat actus per ipsam directos deflectere à vero, in cuius attingentia bonitas illorum consistit; tamen actus ipsi à Logica eliciti, hoc est dictamina, seu directio actiua, nequit esse falsa. Et quidem Logica Docens tam Topica, quam Sophistica & Analytica in omni rigore est virtus; cùm nunquam per sua dictamina à vero exerret. Vtens Topica sumpta pro habitibus aliarum Scientiarum, à ratione Virtutis saltem in ampliori significatione, remoueri non potest: est enim non parua perfectio Intellectūs aliquarum rerum notitiam saltem probabile comparare: imò S. Thomas cū Philosopho docent, eligilius esse de rebus al- tissimis probabilitè disputare, quam hæc inferiora demonstratiuè cognoscere.

II. **V**irtutes Intellectuales sufficenter in quinq; species distribuuntur: In Artem, Scientiam, Prudentiam, Sapientiam, & Intellectum. Logica est propriè Scientia: cùm & de obiecto sit necessario, ac per naturam tali, secundūm rationem à se demonstratā; & ex certis ac euidentibus principijs naturam, passionesq; sui obiecti deducat. Est præterea propriè Ars: quia non ita demonstratiuè de suo obiecto procedit, ut in sola illius contemplatione qui- escat; sed ulterius, ordinatur ad opus, & continet veram rationem aliquid ef- ficiendi: quæ est propria ratio Artis. Philosophus dum Artem contradistin- guit à Scientia; rationem scientiæ usurpat strictissimè, pro habitu purè spe- culatiuo. Cæterūm dari habitus scientificos simul & artificiosos ad mentē Phi- losophi, constat ex eiusdem diuisione scientiæ in speculatiuam & Practicā.

III. **A**ctus Intellectūs non bene remouentur à ratione praxis. Sicut enim actus voluntatis intimari, & dirigi potest ab Intellectu; ita etiam unus actus Intellectūs dirigi potest per alium: quo casu verè Intellectus euadit extensione practicus, cùm non sifstat in uno per modum finis, sed ad alium dirigendum se extendat. Omnis cognitio practica debet esse intrinsecè or- dinata ad opus, & circa obiectum factibile; quorum alterutro deficiente defi- cit ratio practicæ. Ordo hic consistit in eò, quod vel dictet obiectum fa- ciendum, vel eiusdem efficiendi certam rationem contineat. Plures cogni- tiones etiam naturâ sua speculatiuæ possunt saltem mediate deseruire ad pra- xim: quare non est contra naturam habitus simpliciter practici, qualis est Logica, continere cognitiones speculatiuas. Habitus enim in ratione pra- ctici vel speculatiui adæquatè specificantur à fine, non à cognitionibus: hi sunt; quorum finis est veritas: illi verò; quorum finis est opus.

IV. Differunt scientiæ pro diuersitate obiecti formalis, quod in speculati- uis non est aliud à ratione formalis *sub qua*: in Practicis tamen ha- bitibus, alia est ratio formalis sub qua, ab obiecto formalis eiusdem; quod idem est cum forma ab habitu inducenda. Cuius diuersitatis ratio à priori est: quia habitus speculatiuus sifstat in contemplatione sui obiecti, vnde præter motuum cognitionis, quod eidem præexistere debet, non est assignabile aliud pro obiecto formalis: habitus verò practicus ultrà cognitionem extendit se ad

opus : quare præter rationem motiuā cognitionis, & eidē præexistentē debet dari forma, quæ in ipsa operatione ab habitu practico adaptatur materiæ.

V. **O**perationes Intellectūs, non ita fluunt à suo principio, vt à rectitudine defleſtere non possint : quò fit, vt dari possit facultas aliqua, quæ illas per certas leges in officio contineat : & hæc est Logica artificialis: quæ pro obiecto materiali habet omnes tres mentis operationes sub ratione dirigibilium : pro Formali ipsam rectitudinem passiuam, siue formam, quam per sua præcepta adaptat materiali. Pro obiecto attributionis ipsum complexū ex materiali, & formalī, rectam scilicet operationem ; nec minùs primam & secundam quam tertiam : cum singulis his speciebus conueniat ratio totius operis, constantis ex materiali & formalī obiecto facultatis : quamuis per accidens & prima secundæ, & hæc tertia mentis operationi deseruiat. Voces igitur & res contradistinctas ab intentionalibus, multò magis entia rationis ficta, tanquam importuna in re seria commenta, ab obiecto Logicæ relegamus. Hic labor Logicæ in dirigendis mentis operationibus, præter alia ingentia rectificati Intellectus commoda, etiam ex eo non est otiosus, quòd sine illius adminiculo, aliæ Scientiæ ad suam perfectionem vix secure gradum promouere possint, sine periculo incidendi in plagas sophisticas, quas in omni fere materia apparentia mentita veritatem tetendit: quò fit, vt Logica ad perfectā aliarum Scientiarum consecutionem moraliter sit necessaria.

VI. **S**ignum est, quod præter speciem sui, quam ingerit sensibus, facit ali-
quid aliud in cognitionem venire. Hæc signa alia sunt naturalia ; quæ propter naturalem sui connexionem cum alio, apta sunt manuducere cognoscentem in notitiam alterius : Alia ad placitum ; quæ ex hominum instituto & conuentione idem præstant. Voces humanæ, quarum scilicet in consortio humano, ad manifestandos internos mentis conceptus, usus est; non significant res ex natura rei, sed ad placitum. quæ significatio est immediata rerum, mediata conceptuum.

VII. **D**ari veritatem formalem Enunciationū etiam à negantibus illam signatè, exercitè sufficenter probatur. Da enim esse verum, non dari veritatem, ex hoc ipso verissimum erit dari veritatem. In quacunq; materia Propositio sit vera, est vera per denominationem partim sibi intrinsecam, & partim extrinsecam : est enim vera formaliter per hoc; quod ipsa repræsentet obiectum, & obiectum ita se habeat, prout repræsentatur : quo-
rum vnum est intrinsecum propositionibus, alterum extrinsecum. Expressit
hoc breuibus Philosophus, dum ait : *Eo quod res est vel non est, oratio vera vel falsa dicitur.* Ex duabus propositionibus contradictorijs de futuro in materia contingentí, altera est determinatè vera, altera determinatè falsa : implicat enim pro vlla differentia temporis per propositionem importata, obiectum illius nec determinatè esse, nec determinatè non esse. In hac impossibilitate fundatur, quod Propositiones disiunctiæ sub disiuncto contradictrio, necessariò veræ ab omnibus agnoscantur ; talis est hæc ex milibus : *Cras vel pluet, vel non pluet.* cuius si neutra partium determinatè esset vera, tota Propositio non solùm ab insipientibus, sed etiam à sapientibus negari posset: sicut hæc alia : *cras vel pluet vel ninget.* Eadem omnino militant pro veritate conditionalium sub quauis hypothesi etiam disparata : adeoq;

N.

adeoq; illæ etiam sunt determinatè veræ, vel determinatè falsæ. Et quidē ad veritatem huiusmodi propositionum non requiritur existentia obiecti pro vlla differentia temporis: cùm non affirment obiectum quod sit vel fuerit, sed quod esset purificata conditione. Si durarent Propositiones per plura instantia, possent transire de veris in falsas, & ē contra: quia sine vlo suo discrimine possunt mutare obiecta per accidens repræsentata.

VIII. **N**Equit Intellectus assentiri duabus propositionibus contradicto-
rijs clarè apparentibus vt talibus. Cùm in præmissis semper inclu-
datur conclusio, fit, vt præmissæ rectè dispositæ, & ritè penetratæ necessi-
tent Intellectum ad conclusionem necessitate quò ad speciem actūs, seu con-
trarietatis. Necessitant etiam necessitate contradictionis, siue quò ad exer-
citium: quia ita instructus Intellectus, habet omnia requisita ad eliciendam
conclusionem: & consequenter pro natura & indole potentiarum necessaria-
rum, non potest non elicere.

IX. **A**D assensum conclusionis præstandum, non prærequiritur iudicium
de bonitate illationis; cum etiam sine illo aliunde habeat Intellectus
determinatiuum assensūs; ipsam videlicet identitatem extermorum cum me-
dio in præmissis. Hoc determinatiuum sufficienter discriminat assensum per
modum illationis, ab assensu simplici præmissarum, quibus immediatè assen-
timur. Intellectus in conclusione reflectit se supra obiecta præmissarum:
omnis enim actus intentionalis attingit non solum obiectum materiale, sed
etiam imò magis, formale, quoties assentitur ratione alterius. Non est tamen
necessæ, quòd reflectat se supra præmissas formales: quæ quidem in genere
motiui sustinent puram rationem conditionis, per hoc, quod applicant ob-
iectum ipsum formale motiuum: in genere tamen efficientis sunt causa con-
clusionis, refundens in illam eam probabilitatem vel certitudinem, claritatem
vel obscuritatem, quâ ipsæ pollent.

X. **D**emonstratio est syllogismus faciens scire. Ad omnem Demonstratio-
nem debet præcognosci subiectū circa *quid est*; ad demonstrandum,
prædicatum reale debet ulterius præcognosci circa *an est*. Prædicatum ve-
rò debet præcognosci *quid sit*, sed non, *an sit*. Certitudo actūs non potest re-
fundi in solam necessitatem obiecti; constat enim multos actus in materia con-
tingenti esse certissimos, nec pauciores in materia necessaria solum probabi-
les. Neq; etiam consistit in firma & inconcussa mentis adhæsione, etiamsi
cum veritate coniungatur: sed in determinatione quadam intrinseca ad verū,
orta ex principijs vel obiectiuè vel efficienter influentibus, vel ex vtrisq; si-
mul. Actus opinionis per se non certificat intellectum; neq; tamen positiuè
facit incertum, siue fluctuantem, & dubitantem de veritate obiecti. Potest
simul de eodem obiecto stare in Intellectu scientia & opinio, ac etiam fides
tam humana quām diuina: non enim implicat ex diuersis motiuis idem ob-
iectum clarè & obscurè Intellectui præsentari.

E X P H R S I C A.

XI. **S**Cientia Naturalis contemplatur ens Naturale: cuius tria agnoscit prin-
cipia in fieri mutationis; Materiam scilicet, Formam, & priuationem:
in facto esse duo positiva, Materiam & Formam. Dari materiam primam,

siue subiectum commune rerum omniū, ex quo inexistente fiunt, quæcunq;
fiunt; demonstrabile est ex ipsis rerum substantialium transmutationibus; in
quibus negari non potest, dari aliquid ex quo sit genitum, ex quo eodem erat
corruptum; nisi quis apostata à veritate & ratione, omnia in nihilum abire,
& ex nihilo fieri contendat, supra virtutem agentium Naturalium, nihil vn-
quam ex nihilo molientium. Subiectum hoc commune necesse est esse inge-
nerabile & incorruptibile: si enim generaretur, ex aliquo sibi præexistente
fieret: nam actio productua ex nihilo & independens à subiecto, est supra
facultatem naturæ: subiecto autem omnium primo aliquid præexistere, est
terminorum repugnantia. Corrumpi etiam nequit actione agentium na-
turalium, quæ nihil vñquam in nihilum redigere possunt, cum petant sem-
per ipsam suam actionem recipi in aliquo subiecto: hinc fit. quòd necessariò
vnius corruptio sit generatio alterius. Materia prima secundum se conside-
rata, ita est pura potentia physica, vt nullo modo sit actus physicus: non
est tamen, nec esse potest pura potentia metaphysica excludens actum etiam
entitatium, si intelligatur extra causas posita. Nam ita considerata, ne-
quit esse nihil; cùm sit terminus actionis Diuinæ creatiæ transferentis il-
lam à statu possibilitatis ad statum existentiæ: quæ translatio per existentiam
formæ intelligi non potest, cum hæc ipsa existentia formæ pendeat à mate-
riâ physicè & realiter: pendere autem hoc modo ab eo, quod in se nulla
est entitas, & nihil est in actu, non potest. Potentia materiæ ad formas, non
est aliquid illi superadditum, sed ipsa essentia illius. Prærer potentiam datur
etiam appetitus innatus in materia ad formas simpliciter omnes, etiam corru-
ptas, & æquales sine discrimine nobilitatis formarum. Appetitus hic à po-
tentia solùm formaliter ratione nostra distinguitur.

XII. PRæter materiam primam, naturâ suâ indiferentem ad quamlibet sub-
stantiam materiale, admitti debet aliud comprincipium substancialē,
specialiter determinans substancialē ad hanc vel illam speciem entis: quod
comprincipium Forma, seu actus physicus substancialis nuncupatur: qui ta-
men nō est tota quidditas substancialiæ. Tam negationes, quām priuationes,
vt aiunt, obiectiæ, propriè loquendo nihil sunt; vnde incompossibile cum
re, quæ non est, nonnisi metaphoricè dici potest negatio rei. Differunt au-
tem inter se secundum rem, quam excludunt; hoc est secundum id, quod
significant, non verò secundum id pro quo supponunt: quod cum sit nihil, in
nulla potest esse specie entis. Principiat Priuatio in fieri mutationis, dum suo
modo est; quo instanti licet nondum habeatur mutatio perfecta, est ta-
men inchoata.

XIII. ACTUS & POTENTIA, quæ sunt partes substancialiæ; non componunt il-
lam formaliter per hoc, quod sibi cōéxstant; neq; per intimam
præsentiam vnius in alio etiam quomodolibet disposito: Sed requiritur ne-
xus substancialis siue vnio ab utroq; realiter modaliter distincta. Hæc tamen
vnio sine necessitate multiplicatur, cum vñica abunde sufficiat: de ratione
enim illius est, quod sit nexus pluriū, & ratio formalis, quā plura coalescunt
in vnum. Pro subiecto inhæsionis vñioni congruentius assignatur solum pri-
mum subiectum: quamvis negari non possit etiam formam esse subiectum
adhæsionis.

XIV. **R**atio naturæ, secundum quam entia naturalia nuncupantur, consistit in eo, quod sit principium motus & quietis eius, in quo est primo & per se. Tam materiæ, quam formæ conuenit ratio propria naturæ; non tamen vnioni: compositum ipsum substantiale melius naturale quam naturam dixeris. Ad rationem naturæ sufficit esse principium alterutrius, motus scilicet vel quietis. Si quis tamen fingat corpus omnino immobile, eo ipso exuet illud ratione naturæ, quæ exigit esse principium quietis non negatiuè, sed positiuè vel saltem priuatiuè acceptæ, dicentis videlicet ordinem ad motum qui fuerit, & cuius ipsa sit terminus: quod intelligi non potest in re simpliciter impotente moueri, quamuis bene intelligatur in non exigente moueri. Naturali in prædicta acceptance opponitur violentum; ad cuius rationem non sufficit quod sit ab extrinseco, nisi vterius sit contra positiuam inclinationem passi in oppositum: cum multi motus ab extra neo sint naturis rerum accōmodati, ac proinde violenti dici nequeunt. Opponuntur etiam naturali supernaturale & liberum: quorum primum communiter definitur, quod sit id, quod est supra vim & exigentiam cuiuslibet substantiæ creatæ. Liberum autem non ea ratione opponitur naturali, quasi non daretur in natura vis productua aetius liberi; sed quia naturale sæpè pro eodem sumitur, quod necessarium: hinc agentia naturalia dicuntur determinata ad unum, non item libera. Ars naturæ imitatrix, etiam ipsa multa opera naturalia per applicationem aetiorum ad passiuam molitur.

XV. **C**ausa rerum naturalium Efficiens est primum unde motus aut quietes quam videlicet mouente mouetur, quidquid mouetur; & cessante cessat à motu. Ratio motus in ampliori significatione hic sumitur, pro mutatione etiam pure logica, consistente in transitu à non esse ad esse. Non solùm Causæ simpliciter Primæ, sed etiam Causis secundis Efficientibus conuenit propriè, esse primum unde motus: licet enim hæ non mouant, nisi ab illa motæ; tamen non prius mouetur passum à Prima, quam à secundis Causis. Causalitas agentium in actu secundo, quam hic esse aetius pendet ab hac causa, est actio vtricq; superaddita: pēdere enim hunc effectū ab hac causa est denominatio realis, & realiter ab vtroq; separabilis; quod omnino identificatis repugnat. Actio & Passio sola ratione distinguuntur, quatenus idem motus considerari potest, & prout est ab Agente, & prout est in passo. Recipitur hic motus in Passo, quod solū immutat, non in Agente. In confluxu plurium causarum partialium ad eundem numero effectum, vna est omnium actio.

XVI. **S**ubstantiæ ad intra immediate producunt accidentia sibi connaturalia; quibus non nisi mediantibus extendunt actionem suam ad extra. Virtus adæquata creata immediate productuæ substantiæ, sunt sola accidentia: constat enim positis solis accidentibus sufficienter aptantibus passum ad nouam formam generari nouas substantias, etiam absente omni substantia, cui sapienter vt Causæ immediate influenti tribui possit effectus. Nec placet in tali rerum passu recursus ad Causam Primam pro supplendo defectu Causæ secundæ absentis: fingere enim exigentiam aliquam in natura, vt suppleat Devs defectum sufficientiæ creatæ requisitæ ad operandū, non est iuxta indolem naturæ philosophari; quæ nunquam exigit concursum supremi Agentis, nisi ex parte creati præparetur sufficientia adæquata.

Minus placent, qui id concedunt accidentibus in absentia substantiae, quam praesentem admittunt deinde in consortium actionis: nisi simul concedant posse eundem indiuisibiliter effectum pendere a duplice sufficientia adaequata. Causa principalis sicut aliarum rerum, ita etiam nascentium ex patri, sunt illae substantiae, a quibus est virtus immediate productua rei, quae de novo generatur. Potest etiam dici, quod in tali casu Rana ut sic generet Ranam; non quidem in sensu Platonico, quem damnamus, sed in alio saniore. Contingit enim ex combinatione variarum causarum produci eam virtutem, cuius naturaliter Rana est elaborativa ad propagandam suam speciem, quo titulo ranae virtus nuncupari meretur; quae vterius, cum nulli ranae determinatè sit debita, sed ranae cuilibet indeterminatè, Ranae ut sic virtus vocari potest.

XVII. **C**AUSA Finalis est illa cuius gratia cetera fiunt. Causalitas illius in actu primo, seu vis motiva, consistit adaequatè in sola bonitate obiecti, quod mouet: cognitio vero se habet pure per modum conditionis applicatis vim motivam, quae non nisi cognita mouet. neque enim obtainenda cognitionis gratia media adhibentur, sed obiecti præcogniti. Effectus finis sunt quæcunq; gratia illius fiunt. Causalitas illius in actu secundo, est ipsa actio, quæ ponuntur ea, quae sunt gratia finis, quatenus ipsa etiam suo modo est a fine. Omnia agentia naturalia agunt propter finem, sed non sine discrimine; alia enim operantur propter finem a natura sibi præstitutum, & ex cognitione illius non sibi sed Authori suo inexistente: alia vero ex cognitione quidem propria simpatico quodam impetu in media cognita feruntur, sed sineulla illatione proportionis mediorum cum fine: alia deniq; ita operantur, vt ipsa media ex consilio rationis eligant. Agentis etiam Incrementum agit propter finem sineulla tamen sui immutatione, cum hic finis illius non sit aliis ab ipso; a quo omnia procedunt, ut a primo Principio, & ad quem omnia ordinantur, tanquam ad ultimum finem.

XVIII. **I**dea siue causa exemplaris non consistit in conceptu formalis, sed obiectivo; nisi forte conceptus formalis transeat reflexè in obiectuum: Est enim Idea forma, quam effectus imitatur; imitatur autem non cognitionem, sed obiectum per cognitionem Agenti presentatum. Reducitur Idea ad Causam Efficientem, quam proxime constituit potentem operari per modum formæ aqua procedit effectus. Sicut enim in naturalibus effectus imitatur formam agentis naturalem, ita etiam in artefactis formam artificialem ab Artifice præconceptam: & propterea non constituit speciale genus causæ ab Efficiente. Dari satum sub ea ratione, sub qua illud Boëtius & quidem eleganter describit, certum est: quod nihil aliud est, quam in rebus natura sua mobilibus dispositio immobilis, per quam Diuina Prudentia suis queque nectit ordinibus. Dubitare enim non licet hoc Fato omnia fieri, diuina scilicet Prudentia vel intende quae bona sunt, vel permittit quae sunt mala; omnia autem siue bona siue mala ad gloriam suam ordinante. Ex quo sequitur nihil posse esse casuale respectu Dei, quamvis multa sint respectu creaturarum.

XIX. **C**AUSA Materialis concurrit ad formas materiales per sustentationem; ratione cuius concursus exercet veram causalitatem in illas. Consistit autem concursus hic in eo, quod adiuet in sufficientiam agentis creati impotentis quidquam ex nihilo producere: quae ratio est, cur agens creatum

27

tum indigeat subiecto ut concausa. Totum causat Materia cum Forma intrinsecè per vniōem, siue communicationem sui cum Forma. Licet non sit de ratione actionis, quā producitur vnio, esse simul productiuam formæ; defacto tamen in substantijs adæquate materialibus eadem actione ponitur, in natura & Forma & vnio. Cum enim in eodem instanti & subiectum sit dispositum ad vtrumq; & agens æq; vtriusq; sit productiuum, non est ratio cur actiones multiplicentur. Distinguitur totum realiter à singulis sui partibus: est enim negabile de qualibet seorsim accepta. Quodsi sumantur partes totius simul & collectiū (intelligendo nomine patium, quidquid ad constitutionem totius pertinet, etiam formam ipsam totalitatis, si illa datur) non potest totum ab illis realiter distingui. Vel enim illud totum à partibus simul sumptis distinctum esset vna aliqua partium substantiæ: vel aliquid præter partes eiusdem omnes simul sumptas, primum; manifestam in uoluit repugnantiam, quod pars sit totum: alterum planè inexplicabile, quid sit illud totum præter partes simul sumptas. Hinc implicant se interminis, qui in genere causa intrinsecæ præter causas partiales, petunt ulteriorius adæquatam: sicut certum est dari illam in genere causarum extrinsecarum. Nam esse causam intrinsecam, est esse partem componentem: & esse causam adæquatam, est esse causam ultra quam nulla alia sit causa: ex quo vtriusq; conceptu liquido deducitur, quod qui petunt causam intrinsecam adæquatam, volunt habere partem componentem, ultra quam nihil aliud sit componens; quod illis dari à nobis non potest.

XX. **P**Rioritas naturæ est ordo vnius ad aliud, vt actus primi ad secundū: quæcunq; igitur quomodolibet etiam per modū applicationis pertinent ad constituendū actum primū proximū respectu alterius, conuenienter priora naturâ respectu illius dici possunt. Talem agnoscimus causam Efficientem, Finalem, & Materiale. Si enim ex nihilo nihil fit, necesse est quod fiat ex aliqua materia præexistente, & actum primum sufficientiæ requisitæ constitueretur. Formalis Causa dici nequit prior naturâ respectu sui effectus formalis, cum eadem actione, quā ponitur ipsa, ponitur effectus simpliciter in rerum natura; consequenter sicut sibi ipsi prærequiri non potest ex parte actus primi. ita nec effectui suo formalis. Actio etiam non est prior naturâ; sed ipsa prioritas causæ ad effectum, & indiuisibiliter posterioritas effectus ad causam: est enim ratio formalissima, quā & causa dat esse effectui, & effectus recipit esse à causa. Non repugnat ex genere mutua prioritas: nam & Finis intentionaliter existens causat media, & ab iisdem causatur quod ad existentiam physicam. Implicant tamen mutua causalitas secundum idē esse, & in eodē instanti reali, etiā in diuerso genere causandi: cuius implicantiæ ratio est: quia nihil intelligi potest esse pro priori antequam sit: si autem concipientur duo mutuo sibi priora, etiam se ipsis deberent intelligi priora, vt patet rem penitus consideranti.

XXI. **T**Erminus actionis generatiæ simpliciter, est substantia, quæ per illam ponitur in rerum natura: terminus autē formalis, siue productus, est vnio extremorum secum. Accidentium physicorum subiectum est sola materia prima, & non totum compositum: & quidem solius quantitatis immediatum, cæterorum mediante quantitate. Resolutio usque ad

52
materiam primam ea ratione est impossibilis in natura; quod ultima dispositio cum se teneat ex parte efficientis, debet coexistere: implicat enim quod aliquid quod fuit & non est, agat pro eo instanti pro quo nec ipsum iam est.

XXII. **A**literatio est mutatio in passionibus seu qualitatibus contrarijs aut medijs manente eodem subiecto sensibili. Dupliciter considerari potest:

vel quod ad extensionem, quando qualitas ab una parte subiecti propagatur ad alteram: vel quo ad intensionem, quando in eadem parte subiecti magis magisq; augetur. Secundum utramque hanc considerationem motus alterationis est successivus, & continuus. Successivitatis ratio habetur à contrarietate qualitatum: continuitatis vero à necessitate agentium naturalium; quorum ea indoles est, ut in quocunque instanti habeat omnia requisita ad agendum, nequeant suspendere actionem. Intensio qualitatis neque fit per depurationem à contrario; neque per maiorem, radicationem, nisi nomine maioris radicationis intelligatur incrementum eiusdem qualitatis in eadem parte subiecti; neque per destructionem imperfectioris, & productionem indubitate perfectoris; sed per additionem partis ad partem eiusdem rationis. Tam intensio, quam extensio qualitatum fit uniformiter diffiniter per partes proportionales & non aliquotas.

XXIII. IN qualitatibus corruptiis simile non agit in simile: in qualitatibus tamen actiuis quidem sed non corruptiis non est improbabile dari actionem similis in simile, imo & minus intensi in magis intensem. In Antiperistasi causat intensionem confluxus corpusculorum peregrinorum, ea qualitate præditorum, quæ intenditur. Agentia naturalia per suam potentiam nequeunt agere in distans; ita ut aliquid producant in remoto, nihil agendo in medio. Aliquando tamen plus producunt eiusdem qualitatis in partibus remotioribus, quam vicinioribus: quod contingit vel propter collectionem actionis, ut in Refractione; vel etiam quia qualitas in obstante recepta, adiuta à principali agente producit per lineam reflexam eam qualitatem, quam produceret per lineam directam. Neque de potentia Dei absolute possunt esse plures aut pauciores causæ intrinsecæ eiusdem numero effectus. Etiam naturaliter possunt esse plures totales in genere causæ finalis. In genere vero efficientijs, non possunt quidem dari plures naturaliter, possunt supernaturaliter. Agens enim naturale unicum in agendo finem habet intrinsecum, effectus positionem, qui cum per unam actionem obtineatur, omnis alia superflueret: Agens tamen Intellectuale supernaturale praeter finem illum intrinsecum, multos alios extrinsecos habere potest, ratione quorum plurificatio actionum etiam totalium non erit superflua. Agentia contraria posita in unicem intra sphæram actiuitatis ita agunt, ut etiam repantur. In aliquibus qualitatibus non datur terminus magnitudinis intrinsecus: in alteratiis datur magnitudinis intrinsecus, sed extrinsecus nec magnitudinis datur, nec paruitatis: qualibet enim assignata potest qualitas naturaliter in minori consistere.

XXIV. **C**ausa Prima concurrit influxu immediato ad omnes & singulos effectus causarum secundarum; nec aliter cum Liberis, quam cum necessariis; sed cum utrisque per exhibitionem omnipotentiae suæ determinabilis per ipsas causas secundas ad speciem, & ad exercitium actus.

Quæ

Quæ de terminatio in causis necessarijs habetur per naturam ipsarum, determinatam ad certam speciem operationum, & exigentiam ingenitam ad operandum positis omnibus requisitis : in liberis verò per ipsam operationem. Prædeterminatio physica non sufficeret ad saluandum influxum Dei immediatum in effectus creatos, si per hoc intelligatur in illos influere, quod ipsam producat prædeterminationem : si autem vterius dicatur per illam & cum illa influere ; sine vlla necessitate adstruitur : cum hoc causis creatis abundè præstet sola omnipotentia Diuina ad cooperandum exhibita, sine vlla qualitate impressa. Sed vel maximè ex eo reprimenda videtur hæc physica impressio, quod vix cum illa saluari possit libertas creata : cum enim sit qualitas essentialiter determinata & determinans ad unum tam ex contrarijs, quæ ex contradictorijs & naturâ antecedat operationem ; inuehit necessitatem antecedentem sublatiuam actûs primi indifferentis ; siue enim se habeat per modum comprincipij ad operandum requisiti, ut antiquiores loquebantur ; siue per modum applicationis, ut aiunt moderni ; vtrumq; naturâ præcedere operationem extra controversiam est : pro quo parum valet consuetum per sensum compositum & diuisum effugium : nisi quis capere possit Petrum ferreis catenis constrictum, liberè se non mouere, eò quod in sensu etiam composito vinculorū non amittat potentiam cum qualitatet : aut ignem liberè stupram comburere, eò quod in sensu diuiso ab applicatione, illæsam relinqueret. Quodsi quis illam contendat non antecedentem sed consequentem vel saltem concomitanter se habentem ad actum secundum liberi arbitrij ; fateor saluat libertatem, sed tollit naturam prædeterminationis, & sine ullo fundamento illam ponit, cum agnoscat independenter ab illa dari, quidquid requiritur ex parte principij ad actum, à quo, tanquam à sufficientia sua adæquata fluat actus. Determinatio ad indiuiduum tam in liberis, quæ in necessarijs habetur à sola Causa Prima.

XXV. MOTUS EST ACTUS ENTIS IN POTENTIA PROUT IN POTENTIA. Licet enim

motus ipse sit aliquis actus, non est tamen ille, ad quem, tanquam ad terminum mouetur potentia : unde quia per seipsum formaliter non extrahit subiectum à ratione potentiae, dicitur ipse quidem esse actus, sed entis adhuc in potentia. Eandem habent inter se motus oppositionem, quam termini ipsorum. Potest idem subiectum pro diuersis sui partibus moueri ad contraria : immo & indiuisibile diuisibile spatium occupans, intra suum spatium adæquatum poterit moueri ad loca opposita. Non potest naturaliter idem corpus quod ad idem secundum locum moueri motibus contrariis : nulla enim facultas est in natura duo aut plura loca adæquata occupandi.

XXVI. LOCUS EST SUPERFICIES CORPORIS CONTINENTIS IMMOBILIS. Ex quo con-

stat duo ad rationem loci physici requiri ; alterum est superficies corporis ambientis, alterum immobilitas, quæ consistit in certa distantia à partibus realiter vel imaginariè fixis ; & quidem superficies hæc vel illa indeterminate, distantia verò ad identitatem loci requiritur determinate. Ita Columna Serenissimi Sigismundi in hunc diem stat in eodem loco, etiamsi millies superficiem aeris ambientis mutauerit ; mutatura illum certe, si eadem superficie perseverante, distantiam ipsam ad latum vnguem immutaret. Non repugnat de potentia absoluta plura corpora esse in eodem lo-

co : neq; idem corpus esse tam circumscriptiuè, quām definitiū in pluribus locis. Res sunt formaliter in loco per vocationem sibi & loco extrinseco superadditam : esse enim hic, est denominatio realis rei vocationis & loco extrinseco contingenter adueniens, & ab utroq; separabilis. Non omnia in composito vnicā vocatione vocationis, sed singula singulis. Vno intrinsecè extrema efficiens, exigit ut vocationis est vnum, ibidem sit & alterum ; hinc est, quod uno ex ita vnitis replicato, connaturalius & alterum replicatur : nihil tamen vetat etiam seorsim replicari. Vocationis ipsa, quamvis essentialiter sit affixa huic loco, ita ut nequeat esse, & non esse in hoc loco, potest nihilominus etiam illa replicari : cum per hoc, quod sit alibi, nec sequitur quod sit, & non sit in hoc loco ; neq; quod non sit affixa essentialiter huic loco. Vacuum nequit dari per ullam potentiam naturalem : si datur per absolutam, ut potest, motus in illo grauium & leuium fierent naturaliter.

XXVII. **T**empus est numerus motū secundū prius & posterius. Res durant in tempore per durationē sibi & temporis superadditam. Implicat aliquid in rerum natura esse, & nunquam, aut nusquam esse : datur enim necessitas metaphysica, ut quidquid ponatur in rerū natura, sit intra immensitatem & æternitatem Diuinam, cui cōexistat vel adæquate & totaliter, vel solū partialiter & inadæquate : si primum, erit ubiq; & semper : si secundū, erit alicubi & aliquando ; & commensurabitur non totaliter Immensitati & Æternitati Diuinæ, sed parti duntaxat virtuali earundem ; intra quas his vel illis partibus virtualibus Immensitatis, & his vel illis instantibus Æternitatis corresponeat : quod est formalissimè esse in loco iuxta cōsiderationem metaphysicam.

XXVIII. Implicat creatura omnium possibilium perfectissima, quā perfectiorem Diuinā sapientia excogitare, & Omnipotentia moliri non possit. Fundatur hæc impossibilitas in conceptu infinitatis Diuinæ tum in essendo, tum in operando ; de cuius ratione est, esse semper ulterius & ulterius in creaturis suis imitabilem. Infinitum categorematicū in omni quantitate manifestas inuoluit repugnantias, terminati, interminati ; æqualis, inæqualis, & plures alias : quas frustra aliqui contendunt esse passiones entium finitorum, impertinenter deriuatas ad infinita : cum & inter Diunas Personas simpliciter infinitas, sineulla inæqualitate negari non possit omnimoda æqualitas.

XXIX. Quantitas molis est accidens superadditum rei quantæ. Effectus illius formalis non consistit in extensione locali partium ; cum hoc formaliter habeatur per vocationem, cum qua non est confundenda quantitas, quā eadem retenta, toties res quantæ mutant locum. Neq; in extremitate partiū in ordine ad se : nam etiam præscindendo à quantitate habent partes exigentiam, ut una sit extra aliam ; sunt enim natæ factæ facere totum huius vel illius figuræ. Consistit igitur formalissimè quantitas in impenetrabilitate naturali cum alio eodem accidente affecto. Hunc effectum consequitur extensio localis rerum, & sensibilis diuisibilitas earundem. Non dantur in continuo permanenti indiuisibilia, nec in successu instantia : multo minus puncta inflata ; nam indiuisibile locari diuisibiliter & exterminis re-pugnat,

pugnat, & est contra natura rerum materialium. Partes non insunt continuo in actu, sed in potentia; numerus enim in illis nascitur ex diuisione, & repugnare videtur in ea ratione esse actu plura, in qua sunt actu unum.

XXX. **V**NUS est mundus, isq; perfectus. Moles Terraqua non est mathematicè, sed physicè rotunda. Non est probabile sub concavo lunæ dari ignem elementarem. Cæli præter Firmamentum probabilius sunt liquidi: quam probabilitatem conciliant ipsa orbium cælestium seu planetarum phenomena, quæ cum soliditate cælorum combinari non possunt. Sunt etiam corruptibles, & constant materia eiudem rationis cum nostrate. Moueri orbes cælestes circulariter circa centrum vniuersi ab extrinseco, siue ab Intelligentia assistente, maximè suadet Authoritas & communis sapientum sensus; sed non est improbabile moueri ab intrinseco nisi circulariter deferente circa centrum mundi; sicut grauia mouentur ad centrum, & leuia à centro. Potuit mundus esse ab æterno syncategorematice tam quò ad res permanentes, quām quò ad successivas; ita vt quocunq; instanti intra æternitatem diuinam assignabili crearetur, potuerit prius creari. Implicat tamen fuisse ab æterno categorematice: est enim necessitas metaphysica vt data quacunq; duratione creata, in linea suæ æternitatis sit Dei vltius participabilis, sicut & in alijs Diuinis suis perfectionibus; & creatura intelligi nequit, quin sit ex nihilo sui, & nihilum illius aliquando præcesserit. Hinc merito & sapienter Sancti Patres ex æternitate VERBI inferunt esse DEVM.

XXXI. **Q**UATUOR sunt Elementa, iuxta totidem possibiles primarum qualitatum combinationes. Igni conuenit calor in summo, in excellenti siccitas. Aeri humiditas in summo, in excellenti calor. Aquæ in summo frigus in excellenti humiditas. Terræ frigus in excellenti, siccitas in summo. Qualitates, in quibus Elementa symbolizant, sunt eiusdem rationis. Raritas & densitas consistit formaliter in minori vel maiori vocatione, cum paucitate vel multitudine materiae. Tam Leuitas, quām Grauitas sunt impetus innati grauibus & leuibus; quorum primus consistit in nisi sursum, seu à medio, alter in nisi deorsum, seu ad medium. Motus naturalis grauium & leuium in fine est velocior, quām à principio; quod in medium refundi non potest; cum potius medium à fronte densatum obnittatur, & à tergo rarefactum retrahat & impedit velocitatem. Est igitur causa accelerationis prædictorum motuum, incrementum impetus in mobili; quod dum mouetur, ipso motu acquirit nouas & nouas partes impetus. In puncto reflexionis nulla datur quies: si enim per hoc diceretur mobile quietcere, quod in eo instanti, in quo tangit obicem, ita tangit, vt nec in antecedenti, nec in sequenti illum tangat; eodem iure dici posset, in quolibet puncto spatij, per quod transit, quietcere: per plura autem instantia in obice morari nequit; cum constat experientia quotidiana, ipsa quiete mobilis totū impetum acquisitum amitti. Elementa in mixto non manent formaliter.

XXXII. **A**nima est actus corporis naturalis organici potentia vitam habentis. In hac definitione comparatur Anima non cum solo subiecto, quod informat, sed cum toto corpore animato, in quo exercet rationem actus determinantis ad hanc vel illam Speciem vitæ accidentalis. Moueri ab intrinseco, non sufficit ad rationem vitæ; nisi vltius declaretur differen-

tia motus ab intrinseco animatorum, ab inanimatis; quæ etiam moueri tali motu liquido constat. Discrimen igitur consistit in eo, quod quæ non vitaliter etiam ab intrinseco mouentur, non mouentur nisi ad dispositionem statui suo naturaliter debitam, in cuius possessione quiescunt: animata vero tum primum actu vitali se mouet, cum sunt secundum dispositionem suæ naturæ, & quod hæc dispositio est perfectior, eò perfectiorem vitam in actu secundo exercent. Ratio vitæ potest abstracti sub conceptu communij DEO & creaturis. Non animantur viuentia perfectiora successuè, ita ut præcedat sensituum vegetatiua, & illa rationalem. In quolibet viuente præter solam animam nullæ aliæ dantur formæ substantiales, siue partiales, siue totales.

XXXIII. **P**artes viuentis solidæ, ut caro, ossa, cor, hepar, cerebrum, &c.

animantur ipsâ animâ viuentis: nutriuntur enim per intussumptionem & sentiunt. Sanguis, cæteriq; humores nequeunt dici animati: quia elaborantur ab animali in proximum alimentum, aut somentum eiusdem: alimentum autem non potest intelligi pro priori animatum, antequam transeat in substantiam aliti. Pili, vnguens, squammæ, dentes, cornua, cætraq; id genus animantur sola anima vegetatiua, diuersa ab anima animalis; suntq; in animali, sicut fungi aut hederæ in arboribus, ad ornamentum aut etiam commodum aliquod animalis sapienter à natura prouisa. Potentiæ animæ neq; ab anima, neq; inter se distinguunt, & sine fundamento negatur animæ principium formale vitæ, quo viuentia formaliter viuunt. In potentijs sensitivis, si nomine illarū intelligatur principium adæquatum sensitivum includens organum ipsum, negari non potest illas inter se inadæquate distingui: aliud enim est organum visus, cum quo anima elicit visionem; aliud organum auditus, cum quo eadem anima producit auditionem. Actuum immaterialium subiectum adæquatum sola est anima; qui fluunt ab illa æque separata ac coniuncta corpori. Actus animæ vegetatiæ recipiuntur in sola materia: est enim productio vel solius vnionis nouæ materiæ ad formam præexistentem, vel simul partis nouæ formæ; quod vtrumq; recipitur in materia. Animæ tamen sensitivæ actus recipiuntur in toto: quia per hiusmodi actus non solum organum immutatur, sed etiam ipsa anima formaliter viuit in actu secundo.

XXXIV. **D**icí sine errore nequit Animam rationalem posse demonstrari non esse immortalem: quamvis sine temeritate dicatur non demonstrari illius immortalitatē. Rectissime tamen de illa sentiunt, qui hanc illius perpetuitatē sufficienter demōstrari aiunt, tum ex principijs physicis, tum ex moralibus. Physica sunt; ipsa videlicet natura formæ per se subsistentis, adiunctis ijs, quibus demonstratur subiecti primi incorruptibilitas. Moralia vero: quod Deus sit, & sit iustus ac prouidus: vnde sequitur impossibile esse male prouideri bonis, & bene malis: cum autem in præsenti mortalium statu id saepe evenire contingat, necesse est alium pro anima dari statum, in quo & mali mala, & boni recipiant bona. Omnes animæ dependentes à materia tanquam à causa sunt diuisibiles. Status separationis animæ rationalis, non est illi violentus: Forma enim per se subsistens neq; ad essendum, neq; ad bene essendum indiget simpliciter subiecto: præsertim cum in tali statu, cum specibus in statu vnionis comparatis, longe perfectius exerceat suas operationes.

XXXV. **C**um

XXXV. **C**um omni potentia sensitiva, ad quamlibet sensationem, debet concurrere species rei, quæ sentitur, ut eleuet organum ad operationem huiusmodi eliciendam; pro quo nihil facit qualiscunq; alia obiecti præalentia. Habitus potentiarum consistunt realiter in speciebus relictis ab actibus; intenduntur per actus frequentatos, etiam quomodolibet remissos: remittuntur tum per cessationem ab operando, tum per frequentationem actuū oppositorum: destruuntur verò vel per destructionem subiecti, vel per introductionem contrarij.

XXXVI. **Q**uicquid voluntatis prosecutionis ad æquatum, continetur intra solam rationem boni, extendendo illam ad bonum apparenſ. Bonum hominis beatificum est sumum bonum, quod est solus Deus. Beatitudo formalis non consistit in actu Intellectus, sed in actu solius voluntatis, in ipſa videlicet fruitione perfecta boni beatifici: est enim formalissime quies hominis, ut homo est. Nec sumum bonum necessario amatur à voluntate: potest tamen ita proponi non solum sumum bonū, sed quodlibet, sub ratione puri boni, ut necessario aliquo amore ametur. Possibilis est voluntati pura omissione libera: est enim potentia libera non solum libertate contrarietatis, sed etiam contradictionis.

EX METAPHYSICA.

XXXVII. **R**atio Entis realis, quod est obiectum Metaphysicæ sub ipsa præcisa formalitate entis, conuenit vniuocè Deo & creaturis, substantiæ & accidenti: quamvis enim hæc sint longo interuallo inter se inæqualia, rationem tamen præcisam entis omnino æqualiter participant; siue illa consistat in non repugnantia ad existendum physicè, siue in oppositione chimeræ. Dantur præcisiones formales non mutuæ: & hoc quidem sufficeret ad vniuocationem entis, etiamsi differentiæ ipsius non præscinderent ab ipso: defacto tamen non solum Ens à differentiis suis, sed etiam differentiæ illius formaliter præscindunt ab illo: nam nec Ens reale in suo conceptu præciso attingit & explicatur per connotata differentiarum; nec differentiæ per connotata entis realis. Est etiam Ens genus respectu specierum sub se contentarum, de quibus prædicatur in quid.

XXXVIII. **P**ræter possibilitatem rerum extrinsecam desumptam ab Omnipotencia Diuina, admitti debet possiblitas intrinseca, quæ sit terminus prioris. Non consistit illa in aliquo ente diminuto; sed in ipsa extremerum rem quidditatium constituentium non repugnantia. Impossibilitas è contra intrinseca rerum impossibilium formaliter consistit in repugnantia prædicatorum rem constituentium. Nullum impossibile posse physicè existere liquidum est: cum per hanc ipsam impotentiam ad existendum physicè rectè definiantur impossibilia: possunt tamen concipi & existere intentionaliter; ita ut ex parte obiecti respondeat actui nostri in electus aliquid inuoluens repugnantiam; quod fieri potest sineulla fictione circa obiectum. Potest hæc impossibilia repræsentare, & facere entia rationis metaphysica non solum Intellectus Angelicus, sed etiam Diuinus, non quidem per modum assensus prædicatis incompossibilibus, sed per modum, puræ repræsentationis.

135

XXXIX. Identitas distinctioni, & hæc vicissim identitati ita opponuntur, ut nequeant in eodem genere simul componi. Definitur Identitas, quod sit vera extremorum de se inuicem in recto affirmabilitas: è contra Distinctio, est vera extremitatum de se inuicem negabilitas. Præter distinctionem realem, quæ est inter rem & rem (nomine rei amplè intelligendo etiam ipsos rerum modos:) datur etiam distinctio Rationis: quæ est eiusdem rei diuersa in Intellectu apparentia. Distinctio formalis ex natura rei non datur inter prædicata realiter identificata: probabilius est enim illa extrema distingui realiter, quorum vnum de alio negari potest; quam ex sola inseparabilitate arguere identitatem realem. Quod autem admissa distinctione formalis ex natura rei vnum extremum possit negari de alio, patet ex eo, quod de quocunq; negatur definitio, negari debeat & definitum; apud distinguentes formaliter ex natura rei negatur definitio vnius extremitatis de alio; igitur negari debet & ipsum extremum de alio sibi identificato. Nulla proinde cogitari potest identitas intrinseca formalis, inter hominem & animal rationale, quæ non eadem omnino reperiatur inter animal & rationale eiusdem hominis. Quamvis enim idem homo sub conceptu animalis dicatur conuenire cum brutis, & disconuenire per rationale; tamen hæc conuenientia est tota extrinseca, fundata in similitudine operationum, à principiis realiter dissimilibus prouenientium: quæ licet sint essentialiter dissimilia, conceptu nihilominus inadæquato attingi possunt per ordinem ad ea sola connotata, quæ illis sunt communia, præscindendo ab aliis, per quæ illorum dissimilitudo intellectui præsentaretur. Est autem huiusmodi conceptus inadæquatos constat ex eo, quod cum animal hominis sit essentialiter diuersum ab animali bruti, implicat illud definiri adæquate per conceptum vtriq; communem.

XL. Distinctio virtualis obiectiva varie à variis explicatur; ultimo tandem reducitur ad capacitatem in obiecto verificandi contradictionia. hæc etiam non datur inter prædicata realiter identificata: idem enim de eodem affirmari & negari, primum principium lumine naturæ notum non patitur. Quod principium verum est non solùm de prædicatis intrinsecis, sed etiam extrinsecis: cum non minor sit repugnantia ad idem cognosci & non cognosci, quam idem esse id quod est, & non esse. An saltem inter prædicata Diuina contedi possit hæc distinctio virtualis, non est nostræ decisionis: certè in creatis per solam distinctionem rationis omnia, quæ videntur contradictionia facile dissoluuntur: nec ea eminentia in rebus creatis ad verificanda contradictionia sine fundamento admitti debet, quæ Enti Increato propter infinitam illius perfectionem conceditur.

XLI. Inter prædicata realiter identificata, siue gradus metaphysicos eiusdem individui sola datur distinctio Rationis: cuius fundamentum est, quod vna eademq; entitas, cum sit principium variarum & diuersarum operationum, potest illam intellectus modo ad plures, modo ad pauciores has vel illas referendo diuersis conceptibus repræsentare: quo fit ut vna eademq; res individuabilis plures sui diuersas in Intellectu imagines sortita, & quasi multiplicata, à seipsa per easdem representationes formaliter distinguantur. Requiruntur igitur connotata ad distinctionem formalem Rationis,

non

129

non tanquam id, per quod obiectum formaliter distinguatur in se, sed tanquam obliqua indirecta, per quæ diuersificantur cognitiones, ratione quarum obiecta in se inuariata, extinsecè in Intellectu diuersificantur.

XLII. **V**niuersale iuxta receptissimam notionem, est vnum aptum inesse multis, & prædicari de multis. Etiam admissa distinctione formalis ex natura rei graduum superiorum ab inferioribus; adhuc vnitas intrinseca obiectiva naturæ vniuersalis saluari non potest, nec ipsum vniuersale in illa fundatum. tum quia ex eo, quod dicto modo distinguatur à rationibus indiuiduantibus non sequitur intrinsecè esse vnam, & non multiplicatam in se realiter: tum quia, etiam si sequeretur, per hoc quod realiter identificaretur pluribus inter se realiter distinctis, sine vlla sui multiplicatione non euaderet vniuersalis: sicut nec Natura Diuina Tribus Personis realiter inter se distinctis, identificata realiter, euadit talis. Multo minus probabilius aiunt naturam singularem persimilitudinem omnimodam cum alijs fieri vniuersalem; cum hæc nec insit pluribus, nec prædicari possit de pluribus. Nullæ etiam dantur naturæ in statu possibilis vniuersales, quæ deinde in statu existentia amittant vniuersalitatem: natura enim eo modo est possibilis, quod ponit potest; nequit autem ponit, nisi singularis; ergo nec est possibilis nisi singularis: sicut igitur existentes naturæ sunt in singularibus existentibus, ita possibles in singularibus possibilibus.

XLIII. **N**atura realiter multiplex, constituitur formaliter vna per conceptum præcissium abstractum à pluribus apparentibus per modum vnius exercitè: in tali enim conceptu cum non præsentetur obiectum intellectui cum rationibus plurificantibus, quæ realiter illi conueniunt, attingitur tanquam quid vnum exercitè: vi cuius conceptus non potest intellectus inferre pluralitatem, neq; vnitatem obiecti. Hinc patet ad habendum vniuersale importunè recurri ad figmenta, affingendo obiectis realiter multis eam vnitatem, quam nec habent, nec habere possunt. A nulla alia potentia præter intellectum propriè sibi potest vniuersale: cùm nulla alia sit abstractiè repræsentativa plurium per modum vnius. Intellectus verò non solum per actus directos tam primæ, quam secundæ & tertiaz mentis operationis facit vniuersalia, dummodo non attingat ut talia formaliter.

XLIV. **Q**uinque sunt species vniuersalium iuxta totidem diuersas abstractiones & prædicationes. Quidquid enim prædicatur de alio, prædicatur vel per modum adiacentis, vel per modum essentiæ. Si primum, erit Accidens Proprium, aut Commune. Si secundum: vel abstrahitur per modum totius quidditatis; & erit species: vel per modum partis indifferentis ad plures species, & erit Genus: vel deniq; per modum partis contrahentis rationem communem ad certam speciem; & erit Differentia. Vniuersalia hæc, dicta de suis inferioribus retinent in actuali prædicatione vniuersalitatem: eandem enim apparentiam habent prædicata, quam apprehensa, per quam formaliter constituuntur in esse vniuersalium. In hac veritate fundatur doctrina illa Dialecticis certa, propositionem istam: Petrus est homo, & illi similes non esse conuertibilem simpliciter, sicut hæc alia: Petrus est hic homo.

XLV. **G**enus, quod est primum ex prædicabilibus: Est vnum aptum prædicari de pluribus specie differentibus in quid incompletè. Ex quo illius conceptu patet ipsius generis dari genus; & posse vnum idemq; per diuersas rationes abstrahentes constitui se ipso superius. Differentia prædicatur de pluribus in quale quid. Non consistit in prædicato præcipuo & nobilissimo. Neq; sufficienter illam explicant, qui illa specie differre aiunt, quibus inest capacitas intrinseca terminandi iudicium prudens, quod multum differant: licet enim verum dicant, in sensu tamen scientifico definitiuo nihil dicunt. Consistit igitur Differentia specifica in quauis dissimilitudine essentiali plurium in eodem genere contentorum. Quæcumque sunt inæqualia in perfectione essentiali differunt specie: non est tamen necesse, quod quæ differunt specie, sint eò ipso inæqualia in perfectione essentiali. Probabilissimum est Differentiam specificam non haberri per aliquod prædicatum simplex, sed per complexum prædicatorum diuisiuè genericorum.

XLVI. **S**pecies de suis inferioribus prædicatur in quid complete. Ad rationem speciei prædicabilis requiritur realis multiplicabilitas inferiorum; nec sufficit conceptus cum indifferentia negatiua ad plura. Non datur nec est possibili-

138
Iis species creata immultiplicabilis, non solum rerum materialium, sed etiam immaterialium. Etiamsi enim individuatio rerum formaliter haberetur per characteristicam; sicut entia materialia individuantur per ordinem illum intrinsecum ad hanc potius quam illam accidentium materialium collectionem; ita & entia spiritualia individuari possent per similem ordinem ad accidentia sui generis haec potius quam illa. Ceterum hunc ordinem in eis omnibus eiusdem speciei imaginari, est tollere inter similia specie, similitudine specificam. Accidens Proprium est, quod praedicatur in quale necessario & non conuertibiliter. Commune in quale contingenter & non necessario.

XLVII. Relatio est ordo unius ad aliud: siue ratio & forma, quānum refertur ad aliud. Inter Relationem Prædicamentalem & Transcendentalem hoc discrimen est; quod haec respiciunt & referuntur ad aliud per hoc ipsum, quod sunt: per prædicatum videlicet secundum suam rationem transcendens omnia prædicamenta: unicus enim rei conuenit esse id, quod est: Illa vero, quæ prædicentaliter sunt ad aliud, ordinantur ad illud per aliquid adueniens contingenter rei, quæ refertur; & propterea speciale constituunt prædicamentum. Datur Relatio Transcentalis etiam ad terminum implicantem. Relatio prædicentalis non potest adæquate identificari fundamento soli proximo: cum inuariato omnino fundamento adest & abest relatio? Qui à paritate cum Relatione Transcentali id vrgent, (quam certum est adæquate esse intrinsecam rei, quæ refertur) manifestam non aduertunt disparitatem: Nam transcedentalis, deficiente termino, ita deficit, ut nec entitas illa sit, cui identificatur relatio; quodsi per impossibile entitas ipsa maneret, sine dubio maneret & relatio illi adæquate identificata, quomodolibet deficiente termino; cum impossibile sit idem esse & non esse: at in Relatione prædicentali, cum constantia fundamenti contingit deficere relationem.

XLVIII. Non est probabile Relationem prædicamentalem consistere in modo superueniente fundamento ad positionem termini; tum quia eorum quæ sunt ad aliud nullus est motus: tum quia siue singatur hic modus siue non, posito fundamento termino & ratione fundandi, & nullo alio intellecto, habentur omnia constitutiva relationis: quæ non esse formaliter, sed fundamentaliter tantum, relationem, sine fundamento contenditur. Consistit itaq; Relatio adæquate in sola ratione fundandi proxima. Haec enim sola est sufficientissima ratio seu forma, quā unum refertur ad aliud. In conceptu relatiuorum ut talium, non necessario exprimuntur termini ut relatiui.

XLIX. Existētia rerum non distinguuntur ab existentiis suis, nisi sola ratione. Alias ipsa Existētia, quæ non caret sua quidditate, per aliam existētiam cum processu in infinitum existere deberet, propter eandem in omnibus indifferētiam ad existendum & non existendum.

L. Subsistētia in rebus creatis, quæ & Persona honoris gratia in Intellectualibus nuncupatur, præter naturam singularem physicē completam, solam duntaxat addit negationē: vltioris unionis intrinsecæ ad aliam substantiam: cum enim ratio Personæ ex definitione Boëtii ab Angelico Doctore approbata, sit natura intellectualis individua substantia; & ab eodem S. Doctore individuum definitur, individuum in se & diuisum à qualibet alio; idem erit definitiū, Persona, quod substantia natura intellectualis individua in se & diuisa à quocunq; alio; quod autem diuisio à quocunq; alio non habeatur sufficienter per negationē unionis cum alio, dici nequit; cum esse diuisum ab alio, & non esse illi unitum, sint unum idemque. De Diuinis aliter philosophandum. Nam in Dō omnia sunt unum, ubi non intercedit oppositio relationis; adeoq; pluralitas Personarum non potest aliunde profluere, quam ex eodem fonte; ex quo emanat distinctio in Diuinis; hanc autem fundari in Generatione & spiratione hinc actua inde passiva, quæ sunt aliquid posituum, constans est SS. Patrum & Theologorum sensus.



Biblioteka Jagiellońska



stdr0003611

